



月

ル 7
3048
5



2422
5

ル 7
8048
5

大唐西域記第九

大德持寺沙門辨機撰三藏法師玄奘奉詔譯



摩揭陀國下

菩提樹東渡尼連禪那河大林中有窣堵波其北有池香象侍母處也如來在昔修菩薩行為香象子居北山中遊此池側其母盲也採采蒲根汲清水恭行孝養與時推移屬有一人遊林迷路彷徨往來悲號慟哭象子聞而愍焉導之以示歸路是人既還遂白王曰我知香象遊舍林藪此奇貨也可往捕之王納

西域記九

爵頭藍子
惡願目錄

其言興兵往捕是人前導指象示王即時兩臂墮落
若有斬截者其王雖驚此具仍縛象子以歸象子既
已維繫多時而不食水草典廐者聞王王遂親問之
象子曰我母育我累日飢餓今見幽厄記能甘食王
愍其情志故遂放之其側窳堵波前建石柱是苦迦
葉波佛於此宴坐其側有過去四佛座及經行遺迹
之所四佛坐東渡莫訶河至大林中有石柱是外道
入定及發惡願處昔有外道爵頭藍子者志逸煙霞
身遺草澤於此法林棲神匿迹既具五神通得第一
有定摩提陀王特深宗敬每至中時請就宮食爵頭

藍子凌虛履空往來無替摩揭陀王候時瞻望亦既
至已捧接置座王將出遊欲委留事簡擢中宮無堪
承命有少息女淑慎令儀既親且賢無出其右摩揭
陀王召而命曰吾方遠遊將有所委爾宜悉心慎終
其事彼爵頭藍仙宿所宗敬時至來飯如我所奉勅
誠既已便即巡覽少女承旨瞻候如儀大仙至已捧
而置座爵頭藍子既觸女人起欲界染退失神通飯
訖言歸不得虛遊中心愧耻詭謂女曰吾比修道業
入定怡神凌虛往來略無暇景國人願觀聞之久矣
然先達垂訓利物為務豈守獨善忘其兼濟今欲從

爵頭藍子

二

門而出履地而往使夫覩見之徒咸蒙福利王女聞
 已宣告遠近是時人以心競灑掃衢路百千萬衆佇
 望來儀爵頭藍子步自王宮至彼法林宴坐入定心
 馳外境棲林則烏鳥嚶轉臨池乃魚鱉誼聲情散心
 亂失神廢定乃生忿恚即發惡願願我當來為暴惡
 獸狸身鳥翼搏食生類身廣三千里兩翅各廣千五
 百里投林噉諸羽族入流食波水生發願既已忿心
 漸息勤求頃之復得本定不久命終生第一有天壽
 八萬劫如來記之天壽畢已當果昔願得此弊身從
 是流轉惡道末期出離

其訶河東入大林野行百餘里至屈屈反叱播陀
 山唐言亦謂窶盧播陀山唐言高巖峭嶮極深壑洞
 無涯山麓谿澗喬林羅谷岡岑嶺嶂繁草被巖峻起
 三峯傍挺絕嶠氣將天接形與雲同其後尊者大迦
 葉波居中寂滅不敢指言故云尊者摩訶迦葉波者
 聲聞弟子也得六神通具八解脫如來化緣斯畢垂
 將涅槃告迦葉波曰我於曠劫勤修苦行為諸衆生
 求無上法昔所願期今已果滿我今將欲入大涅槃
 以諸法藏囑累於汝住持宣布勿有失墜姨母所獻
 金縷袈裟慈氏成佛留以傳付我遺法中諸修行者

若苾芻苾芻尼鄒波索迦唐言近事男舊曰伊蒲一塞又曰優婆塞皆訛也鄒波斯迦唐言近事女舊優婆塞期又曰優婆夷皆訛也皆先濟渡令離流轉迦葉承旨住持正法結集既已至第二十一年厭世無常將入寂滅乃往鷄足山山陰而上屈槃取路至西南岡山險阻崖徑槃薄乃以錫杖扣割之如剖山徑既開逐路而進槃紆曲折廻互針通至于山頂東北面出既入三峯之中捧佛袈裟而立以願力故三峯斂覆故今此山三脊隆起當來慈氏世尊之興世也三會說法之後餘有無量憍慢衆生將登此山至迦葉所慈氏彈指山峯自開彼諸衆生既見迦葉更

增憍慢時大迦葉授衣致辭禮敬已畢身昇虛空示諸神變化火焚身遂入寂滅時衆瞻仰憍慢心除因而感悟皆證聖果故今山上建窣堵波靜夜遠望或見明炬及有登山遂無所覩

鷄足山東北行百餘里至佛陁伐那山峯崖崇峻巖嶮嶠陰嶙巖間石室佛掌降止傍有磐石帝釋梵王摩牛頭旃檀塗飾如來今其石上餘香郁烈五百羅漢潛靈於此諸有感遇或得覩見時作沙彌之形入里乞食或隱或顯靈奇之迹甚難以述佛陁伐那山空谷中東行三十餘里至洩反移結瑟知林唐言林竹脩

勁被山滿谷其先有婆羅門聞釋迦佛身長丈六常
懷疑惑未之信也乃以丈六竹杖欲量佛身恒於杖
端出過丈六如是增高莫能窮實遂投杖而去因植
根焉中有大窣堵波無憂王之所建也如來在昔於
此七日為諸天人現大神通說深妙法杖林中近有
鄒波索迦闍耶犀那者此言西印度刹帝利種也志
尚夷簡情悅山林迹居幻境心遊真際幻內外典籍
窮究幽微辯論清高儀範閑雅諸沙門婆羅門外道
異學國王大臣長者豪在相趨通謁伏膺請益受業
門人十室而六年漸七十耽讀不倦余藝捐廢唯習

佛經策勵身心不捨晝夜印度之法香抹為泥作小
窣堵波高五六寸書寫經文以置其中謂之法舍利
也數漸盈積建七窣堵波揔聚於內常修供養故勝
軍之為業也口則宣說妙法導誘學人手乃作窣堵
波式崇勝福夜又經行禮誦宴坐思惟寢食不遑晝
夜無怠年百歲矣志業不衰三十年間允作七拘朧
唐言法舍利窣堵波每滿一拘朧建大窣堵波而揔
置中盛修供養請諸僧眾法會稱慶其時神光燭曜
靈異昭彰自茲厥後特放光明
杖林西南十餘里大山陽有二溫泉其水甚熱在昔

如來化出此水於中浴焉今者尚存清流無減遠近
 之人皆來就浴沉痾宿疾多有除差其傍則有窣堵
 波如來經行之處也杖林東南行六七里至大山橫
 嶺之前有石窣堵波昔如來兩三月為諸人天於此
 說法時頻毗娑羅王欲來聽法乃疏山積石壘階以
 進廣二十餘步長三四里
 大山北三四里有孤山昔廣博仙人棲隱於此鑿崖
 為室餘趾尚存傳教門人遺風猶扇孤山東北四五
 里有小孤山山壁石室廣袤可坐千餘人矣如來在
 昔於此三月說法石室上有大磐石帝釋梵王磨牛

頭旃檀塗飾佛身石上余香于今郁烈

石室西南隅有巖岫印度謂之阿素洛舊曰阿須倫

又曰阿蘓官也往有好事者深閑咒術顧傳命侶十

有四人約契同志入此巖岫行三四十里廓然大明

乃見城邑臺觀皆是金銀瑠璃是人至已有諸少女

佇立門側歡喜迎接甚加禮遇於是漸進至內城門

有二婢使各捧金盤盛滿華香而來迎候謂諸人曰

宜就池浴塗冠香華已而後入斯為美矣唯彼術士

宜時速進余十三人遂即沐浴既入池已悅若有志

乃坐稻田中去此之北平川中已三四十里矣

石空側有棧道廣十餘步長四五里昔頻毗沙羅王
將往佛所乃斬石通谷疏崖導川或壘石或鑿巖作
為階級以至佛所從此大山中東行六十餘里至矩
奢揭羅補羅城唐言城上第宮城摩揭陀國之正中
古先君王之所都多出勝上吉祥香第以故謂之上
第城也崇山四周以為外郭西通峽徑北關山門東
西長南北狹周一百五十餘里內城餘址周三十餘
里羯尼迦樹遍諸踐徑華含殊馥色爛黃金暮春之
月林皆金色

宮城北門外有窳堵波是提婆達多與未生怨王共

為親友乃放護財醉象欲害如來如來指端出五印
子醉象於此馴伏而前

伏醉象東北有窳堵波是舍利子聞阿濕婆特苾芻
唐言馬勝說法證果之處初舍利子在家也高才雅量見

重當時門生學徒傳以受業此時將入王舍大城馬
勝苾芻亦方乞食時舍利子遙見馬勝謂門生曰彼
來者甚庠序不證聖果豈斯調寂宜少行待觀其進
趣馬勝苾芻已證羅漢心得自在容止和雅振錫來
儀舍利子曰長老善安樂耶師何人證何法若此之
悅豫乎馬勝謂曰爾不知耶淨飯王太子捨轉輪王

位悲愍六趣苦行六年證三菩提具一切智是吾師也夫法者非有非空難用詮鈎唯佛與佛乃能究述豈伊愚昧所能詳議因為頌說稱讚佛法舍利子聞已獲果證

舍利子證果此不遠有大深坑傍建窣堵波是室利鞠多唐言勝密以火坑毒飯欲害佛處勝密者崇信外道深著邪見諸梵志曰喬答摩國人尊敬遂令我徒無所特賴汝今可請至家飯會門穿大坑滿中縱火燒以朽木覆以燥土九諸飯食皆雜毒藥若免火坑當遭毒食勝密承命便設毒會城中之人皆知勝密於

世尊所起惡害心咸皆勸請願佛勿往世尊告曰無得懷憂如來之身物莫能害於是受請而往足履門闡火坑成池清瀾澄鑒蓮華弥漫勝密見已憂惶無措謂其徒曰以術免火尚有毒食世尊飯食已訖為說妙法勝密聞已謝谷歸依

勝密火坑東北山城之曲有窣堵波是時縛迦大盤舊曰舊於此為佛建說法堂周其壩垣種植華果餘址蘂抹尚有遺迹如來在世多於中止其傍復有縛迦故宅余基舊井墟坎猶存宮城東北行十四五里至姑栗陀羅矩吒山唐言鷲峯亦謂鷲臺接北山之

陽孤標特起，旣棲鷲鳥，又類高臺，空翠相映，濃淡分
色。如來御世垂五十年，多居此山，廣說妙法，頻毗娑
羅王為聞法，故興發人徒，自山麓至峯岑，跨谷陵巖，
編石為階，廣十餘步，長五六里，中路有二小窰，堵波
一，謂下乘，即王至此，徒行以進，一謂退，元即簡，元夫
不令同往，其山頂則東西長，南北狹，臨崖西，垂有軌，
精舍高廣，竒制東闢，其戶如來在昔多居說法，今作
說法之像，量等如來之身。
精舍東有長石，如來經行所履也，傍有大石，高丈四
五尺，周三十餘步，是提婆達多遙擲擊佛處也。其南

崖下有窰，堵波在昔如來於此說法，華經精舍南山
崖側有大石室，如來在昔於此入定。
佛石室西北石室前有大盤石，阿難為魔怖處也。尊
者阿難於此入定，魔王化作鷲鳥，於黑月夜分據其
大石，奮翼驚鳴，以怖尊者。尊者是時驚懼，無惜如來
鑿見，申手安慰，通過石壁，摩阿難頂，以大慈言而告
之曰：魔所變化，宜無怖懼。阿難蒙慰，身心安樂。石上
鳥迹崖中通穴，歲月雖久，于今尚在。精舍側有數石
室，舍利子等諸大羅漢於此入定。舍利子石室前有
一大井，枯涸無水，墟坎猶在。精舍東北石澗中有大

盤石是如來曬袈裟之處，衣文明徹，皎如彫刻。其傍石上有佛，脚踏輪文，雖暗，規模可察。北山頂有窣堵波，是如來望摩揭陀城於此七日說法。山城北門西有毗布羅山，聞之士俗曰：山西南崖陰昔有五百溫泉，今者數十而已。然猶有冷有暖，未盡溫也。其泉源發雪山之南，無熱惱池，潛流至此，水其清美，味同本池。流經五百枝，小熱地獄火勢上炎，致斯溫熱。泉流之口並皆彫石，或作師子曰象之首，或作石筒懸流之道。下乃編石為池，諸方異域咸來此浴。浴者宿疥多，差溫泉左右諸窣堵波及清舍基址，鱗次並是。過

去，四佛坐及經行遺迹之所。此處旣山水相帶，仁智攸居，隱淪之士蓋亦多矣。溫泉西有畢針羅石室，世尊在昔恒居其中。後壁洞穴是阿素洛宮也。習定苾芻多居此室。時出怪異，龍蛇師子之形見之者，心發狂亂。然斯勝地靈聖所止，躡迹欽風，忘其災禍。近有苾芻戒行貞潔，心樂幽寂，欲於此室匿迹習定。或有諫曰：勿往彼也。彼多災異為害不少，旣難取定，亦恐喪身。宜鑒前事，勿貽後悔。苾芻曰：不然。我方志求佛果，摧伏天魔。若此之害，夫何足言。便即振錫而往。室焉於是設壇場，誦禁咒。旬日之後，穴出少女，謂苾芻

曰尊者染衣守戒為含識歸依修習定作生靈善
導而今居此驚懼我曹如來之教豈若是耶苾芻曰
我守淨戒道聖教也匿迹山谷遠誼雜也忽此見識
其咎安在對曰尊者誦咒聲發火從外入燒我居室
苦我枝屬唯願悲愍勿復誦咒苾芻曰誦咒護身非
欲害物徃者行人居此習定期於聖果以濟幽塗觀
怪驚懼喪棄身命汝之辜也其何辭乎

對曰罪障既重智慧斯淺自今已來屏居守分亦願
尊者勿誦神咒苾芻於是修定如初安靜無害毗布
羅山上有窣堵波昔者如來說法之處今有露形外

道多依此住修習苦行夙夜匪懈自且至昏旋轉觀
察

山城北門左南崖陰東行二三里至大石室昔提婆
達多於此入定

石室東不遠盤石上有班采狀血染傍建窣堵波是
習定苾芻自害證果之處昔有苾芻勤勵心身屏居
修定歲月逾遠不證聖果退而自咎竊復歎曰無學
之果終不時證有累之身徒生何益便就此石自刺
其頸是時即證阿羅漢果上昇虛空示現神變化火
焚身而入寂滅美其雅操建以記功苾芻證果東石

崖上有石，率堵波習定，苾芻投崖證果之處。昔在佛世，有一苾芻宴坐山林，修證果定，精勤已久，不得果證。晝夜繼念無忘，靜定如來，知其根機將發也。遂往彼而成之。自竹林園至山崖下，彈指而召，佇立以待。時此苾芻遙覩聖衆，身意勇悅，投崖而下，猶其淨心敬信佛語，未至干地，已獲果證。世尊告曰：宜知是時，即昇虛空，示現神變，用彰淨信。故斯封記。

山城北門行一里餘，至迦蘭陀竹園。今有精舍石基，軒室東開其戶。如來在此多居，此中說法開化，導九極俗。今作如來之像，車等如來之身。初此城中有大

長者迦蘭陀，時稱豪貴，以大竹園施諸外道。及見如來闍法，淨信追惜，竹園居彼異衆。今天人師無以館舍時，諸神鬼感其誠心，片逐外道而告之曰：長者迦蘭陀當以竹園起佛精舍，汝宜速去，得免危厄。外道憤恚含怒而去。長者於此建立精舍，功成事畢，躬往請佛。如來是時遂受其施，迦蘭陀竹園東有率堵波阿闍多設咄路王。唐言未生怨，舊日之所建也。如來沮繫之後，諸王共分舍利。未生怨王得以持歸，式遵崇建，而修供養，無憂王之憂，信心也。開取舍利，建率堵波，尚有遺餘，時燭光景。

西遊記卷之九
未生怨王，窣堵波側，窣堵波有尊者阿難，半身舍利。昔尊者將寂滅也，去摩揭陀國，趣吠舍釐城，兩國交爭，欲興兵甲，尊者傷憐，遂分其身，摩揭陀王奉歸，供養，即斯勝地，式修崇建，其傍則有如來經行之處，次此不遠，有窣堵波，是舍利子及沒特伽羅子等安居之所。竹林園西南行五六里，南山之陰，大竹林中有大石室，是尊者摩訶迦葉波於此與九百九十九大阿羅漢，以如來涅槃後，結集三藏，前有故基。未生怨王為集法藏，諸大羅漢，建此堂宇，初大迦葉宴坐，山林忽燭光明，又觀地震，曰：是何祥變？若此之異，以天

眼觀見佛出世，尊於雙林間，入般涅槃，尋命徒屬，趣拘尸城，路逢梵志，手執天華，迦葉問曰：汝從何來？知我大師今在何處？梵志對曰：我適從彼拘尸城來，見汝大師已入涅槃，天人大眾咸興供養，我所持華自彼得也。迦葉聞已，謂其徒曰：慧日淪照，世界皆冥，善導遐棄，衆生顛墜，懈怠苾芻，更相賀曰：如來寂滅，我曹安樂。若有所犯，誰能訶制？迦葉聞已，深更感傷，思集法藏，據教治犯，遂至雙樹，觀佛禮敬，既而法王去，世人夫無導，諸大羅漢亦取滅度。時大迦葉作是思惟，承順佛教，宜集法藏，於是登蘇迷盧山，擊大捷鼓，唱

如是言今王舍城將有法事諸證果人宜時速集捷
 捷聲中傳迦葉教遍至三千大千世界得神通者聞
 皆集會是時迦葉告諸衆曰如來寂滅世界空虛當
 集法藏用報佛恩今將集法祿從簡靜豈特群居不
 成勝業其有具三明得六神通聞持不謬辯才無礙
 如斯上人可應結集自餘果學各歸其居於是得九
 百九十九人除阿難在學地大迦葉召而謂曰汝未
 盡漏宜出聖衆曰隨侍如來多歷年所每有法議曾
 未棄遺今將結集而見擯行法王寂滅失所依怙迦
 葉告曰勿懷憂惱汝親侍佛誠復多聞然愛惑未盡

習結未斷阿難辭屈而出至空寂處欲取無學勤求
 不證既已疲怠便欲假寐未及伏枕遂證羅漢往結
 集所叩門白至迦葉問曰汝結盡耶宜運神通非門
 而入阿難承命從鑰隙入禮僧已畢退而復坐是時
 安居初十五日也於是迦葉揚言曰念哉諦聽阿難
 聞持如來稱讚集素咀纜舊日修多羅說也藏優波釐持律
 明究衆所知識集毗奈耶舊日毗耶說也藏我迦葉波集
 阿毗達磨藏兩三月盡集三藏訖以大迦葉僧中上
 座因而謂之上座部焉
 大迦葉波結集西北有窣堵波是阿難受僧訶責不

西域記卷九
預結集至此宴坐證羅漢果證果之後方乃預焉阿
難證果西行二十餘里有窣堵波無憂王之所建也
大衆部結集之處諸學無學數百千人不預大迦葉
結集之衆而來至此更相謂曰如來在出同一師學
法王寂滅簡異我曹欲報佛恩當集法藏於是九聖
咸會愚智畢萃復集素咀纜藏毗奈耶藏阿毗達磨
藏雜集藏禁咒藏別爲五藏而此結集九聖同會因
而謂之大衆部

竹林精舍北行二百餘步至伽蘭陁池如來在出多
此說法水既清澄具八功德佛涅槃後枯涸無餘迦

蘭陁池西北行二三里有窣堵波無憂王所建也高
六十餘尺傍有石柱刻記立窣堵波事高五十餘尺
上作象形

石柱東北不遠至曷羅闍嬉利呬城唐言外郭已壞
無復遺堵內城雖毀基趾猶峻周二十餘里面有一
門初頻毗娑羅王都在上苑宮城也編戶之家頻遭
火害一家縱逸四隣懼災防火不服資產廢業衆庶
嗟怨不安其居王曰我以不德下民懼患修何福德
可以禳之群臣曰大王德化邕穆政教明察今茲編
民不謹致此火災宜制嚴科以清後犯若有火起窮

究先發罰其首惡遷之寒林寒林者棄屍之所俗謂
 不祥之地人絕遊往之迹令遷於彼同夫棄屍既耻
 陋居當自謹護王曰善宜遍宣告居人頃之王宮中
 先自失火謂諸臣曰我其遷矣乃命太子監攝留事
 欲清國憲故遷居焉時吠舍釐王聞頻毗娑羅王野
 處寒林整集戎旅欲襲不虞邊候以聞乃建城邑以
 王先舍於此故稱王舍城也官屬士庶咸徙家焉或
 云至末生怨王乃築此城未生怨太子既嗣王位因
 遂都之建無憂王遷都波吒釐城以王舍城施婆羅
 門故今城中無復允民唯婆羅門城千家耳

官城西南隅有二小伽藍諸國客僧往來此止是佛
 昔日說法之所次此西北有窣堵波殊底色加唐言星

日樹提長者本生故里

城南門外道左有窣堵波如來於此說法及度羅枯
 羅從此北行三十餘里至那爛陀唐言施僧伽藍聞
 之耆舊曰此伽藍南菴沒羅林中有池其龍名那爛
 陀傍建伽藍因取為稱從其實議是如來在昔修菩
 薩行為大國王建都此地悲愍眾生好樂周給羨其
 德号施無狀由是伽藍因以為稱其地本菴沒羅園
 五百商人以十億金錢買以施佛佛於此處三月說

法諸商人等亦證聖果佛涅槃後未久此國先王鑠
 迦羅阿迭多唐言敬重一乘遵崇三寶式占福地建
 此伽藍初興功也穿傷龍身時有善占尼乾外道見
 而記曰斯勝地也建立伽藍當必昌盛為五印度之
 軌則踰千載而彌隆後進學人易以成業然多歐血
 蕩龍故也其子佛陀鞠多王唐言繼體承統奉遵勝
 業次此之南又建伽藍咀他揭多鞠多王唐言如來篤修
 前緒次此之東又建伽藍婆羅阿迭多唐言王之嗣
 位也次此東北又建伽藍功成事畢福會稱慶輸誠
 幽顯延請九聖其會也五印度僧方里雲集衆坐已

定二僧後至引上第三重閣或有問曰王將設會先
 請九聖大德何方最後而至曰我至那國也和上嬰
 孫飯已方行受王遠請故來赴會聞者驚駭遂以白
 王王心知聖也躬往問焉遲上重閣莫知所去王更
 深信捨國出家出家既已位居僧末心常快快懷不
 自安我昔為王尊居最上今者出家卑在衆末尋往
 白僧自述情事於是衆僧和合令未受戒者以年齒
 為次故此伽藍獨有斯制其王之子伐闍羅唐言嗣
 位之後信心貞固復於此西建立伽藍其後中印度
 王於此北復建大伽藍於是周垣峻峙同為一門既

歷代君主繼世興建窮諸剗誠壯觀也帝曰王本
 伽藍者今置佛像衆中日差四十僧就此而食以報
 施主之恩僧徒數千並俊艾高學也德重當時聲馳
 異域者數百餘矣戒行清白律儀淳粹僧有嚴制衆
 咸負素仰度諸國皆仰則焉請益談玄渴白不足夙
 夜驚誠少長相成其有不談三藏幽旨者則形影自
 愧矣故異域學人欲馳聲問咸來稽疑方流雅譽是
 以竊名而遊咸得禮重殊方異域欲入談議閣詰難
 多屈而還學深今古乃得入焉於是客遊後進詳論
 藝能其退飛者固十七八矣二三博物衆中次詰其

不挫其銳類其名若其高才博物弘識多能明德哲
 人聯暉繼軌至如護法護月振芳塵於遺教德慧堅
 慧流雅譽於當時光友之清論勝友之高談智月則
 風察明敏戒賢乃至德幽邃若此上人衆所知識德
 隆先達學貫舊章述作論釋各十數部並盛流通見
 珍當世伽藍四周聖迹百數舉其二三可略言矣
 伽藍西不遠有精舍在昔如來三月止此為諸天人
 廣說妙法次南百餘步小窰堵波遠方苾芻見佛處
 昔有苾芻自遠方來至此遇見如來聖衆內發敬心
 五體投地即發願求輪王位如來見已告諸衆曰彼

苾芻者甚可愍惜福德深遠信心堅固若求佛果不
又當證今其發願求轉輪王於當來世必受此報稱
體投地下至金輪其中所有微塵之數一一塵是一
輪王報也既耽世樂聖果斯遠其南則有觀自在菩
薩立像或見執香鑪往佛精舍周旋右繞
觀自在菩薩像南窣堵波中有如來三月之間剃剪
髮爪有髮交疾病旋繞多愈其西垣外池側窣堵波是
外道執雀於此問佛死生之事次東南垣內五十餘
步有奇樹高八九十尺其幹兩枝在昔如來嚼楊枝
棄地因植根柢歲月雖久初無增減次東大精舍高

二百餘尺如來在昔於此四月說諸妙法次北百餘
步精舍中有觀自在菩薩像淨信之徒興供養者所
見不同莫定其功或立門側或出簷前諸國法俗咸
來供養觀自在菩薩精舍北有大精舍高三百餘尺
婆羅阿迭多王之所建也莊嚴度量及中佛像同菩
提樹下大精舍其東北窣堵波在昔如來於此七日
演說妙法西北則有過去四佛坐處其南鑰銘精舍
戒日王之所建立功雖未畢然其圖量一十尺而後
成之次東二百餘步垣外有銅立佛像高八十餘尺
重閣六層乃得彌覆昔滿胃王之所作也滿胃王銅

佛像北二三里^{ニカラシ}軌精舍中有多羅菩薩像其量既高其靈甚察每歲元日盛興^{ニシヨク}供養隣境國王大臣豪族賣^{ウケテ}妙香華持寶旛蓋金石^{タテマツ}施奏絲竹相和七日之中建斯法會其垣南門內有大井昔佛在世有大商侶執渴逼迫來至佛所世尊指其地以可得水商主乃以車軸築地地既爲陷水遂泉涌飲已聞法皆悟聖果伽藍西南行八九里至拘理迦^{ククリヤ}邑中有窣堵波無憂王之所建也是尊者沒特伽羅子^{トカ}本生故里傍有窣堵波尊者於此入無餘涅槃其中則有遺身舍利尊者大婆羅門種與舍利子少爲親友舍利子以

明見貴尊者以精鑿^{ラヒシ}延譽^{レバ}才智相比動止必俱結要終始契同去就相與^{トモニ}狀俗共求捨家遂師^シ珊闍耶^{サンヤ}馬舍利子遇馬勝阿羅漢聞法悟聖還爲尊者重述聞而悟法遂證初果與其徒二百五十人俱到佛所世尊遙見指告衆曰彼來者我弟子中神足第一既至佛所請入法中世尊告曰善來苾芻淨修梵行得離苦際聞是語時鬚髮落俗裳變戒品清淨威儀調順經七日結漏盡證羅漢果得神通力沒特伽羅子故里東行三四里有窣堵波頻毗娑羅王迎見佛處女來初證佛果知摩揭陀國人心渴仰受頻毗娑羅王

請於晨朝時著衣持鉢與千苾芻左右圍繞皆是耆
舊螺髻梵志慕法染衣前後翼從入王舍城時帝釋
天王變身為摩那婆首冠螺髻左手執金瓶右手持
寶杖足踏空虛離地四指在大衆中前導佛路時摩
揭陀國頻毗娑羅王與其國內諸婆羅門長者居士
百千萬衆前後導從出王舍城塞迎聖衆頻毗娑羅
王迎佛東南行二十餘里至迦羅臂拏迦邑中有窣
堵波無愛王之所建也是尊者舍利子本生故里并
今尚在傍有窣堵波尊者於此寂滅其中則有遺身
舍利尊者大婆羅門種其父高文博識深鑒精微允

諸典籍莫不究習其妻感夢具告夫曰吾昨霄寐夢
感異人身被鎧甲手執金剛摧破諸山退立一山之
下夫曰夢甚善汝當生男達學貫世摧諸論師破其
宗致唯不如一人為作弟子果而有娠母忽聰明高
論劇談言無屈滯尊者年始八歲名擅四方其性淳
質其心慈悲朽壞結縛成就智慧與沒特伽羅子少
而相交深狀塵俗未有所歸於是與沒特伽羅子於
珊闍耶外道然而修習焉乃相謂曰斯非究竟之理
未能窮苦際也各求明導先嘗甘露必同其味特大
阿羅漢焉勝劫持應器入城乞食舍利子見其威儀

開雅即而問曰汝師是誰曰釋種太子馱世出家成
 等正覺是我師也舍利子曰所說何法可得聞乎曰
 我初受教未達深義舍利子曰願說所聞馬勝乃隨
 宜演說舍利聞已即證初果遂與其徒二百五十人
 往詣佛所世尊遙見指告眾曰我弟子中智慧第一
 至已頂禮願從佛法世尊告曰善來茲芻圃是語時
 戒品具足過半月後聞佛為長爪梵志說法聞餘論
 而感悟遂證羅漢之果其後阿難承佛告寂滅期展
 轉相語各懷悲感舍利子深增戀仰不忍見佛入般
 涅槃遂請世尊先入寂滅世尊告曰宜知是時告謝

門人至本生里侍者沙弥遍告城邑未生怨王及其
 國人莫不風馳皆悉雲會舍利子廣為說法聞已而
 去於後夜分正意擊心入滅盡定從定起已而寂滅
 焉迦羅臂婁迦邑東南四五里有窣堵波是尊者舍
 利子門人入涅槃處或曰迦葉波佛在世時有三拘
 胝拘拘者唐言億大阿羅漢同於此地無餘寂滅舍利子門
 人窣堵波東行三十餘里至因陀羅勢羅窣訶山唐言
 帝釋也其山巖谷杳冥華林蔚蔚嶺有兩峯岷然特起
 西峯南巖間有大石室廣而不高昔如來常於中止
 時天帝釋以四十二疑事畫石請問佛為演釋其迹

猶在今作此像擬昔聖儀入中禮敬者莫不肅然敬懼山嶺上有過去四佛坐及經行遺迹之所東峯上有伽藍聞諸士俗曰其中僧衆或於夜分望見西峯石室佛像前每有燈炬常為照燭因陞羅勢羅窣訶山東峯伽藍前有窣堵波謂且訂贈反娑唐言昔此伽藍習翫小乘小乘漸教也故開三淨之食而此伽藍遵而不墜其後三淨求不時獲有苾芻經行忽見群鴈飛翔戲言曰今日衆僧中食不克摩訶薩埵宜知是時言聲未絕一鴈退飛當其僧前投身自殞苾芻見已具白衆僧聞者悲感相謂曰如來設法導誘隨

機我等守愚導行漸教大乘者正理也宜改先執務從聖旨此鴈垂誠為誠明導宜旌厚德傳記終古於是建窣堵波式昭遺烈以彼死鴈瘞其下焉因陀羅勢羅窣訶山東北行百五六十里至迦布德迦唐言伽藍僧徒二百餘人學說一切有部伽藍東有窣堵波無憂王之所建也昔佛於此為諸大衆二宿說法佛說法時有羅者於此林中網捕羽族經日不獲遂作是言我惟薄福恒為弊事來至佛所揚言唱曰今日如來於此說法令我網捕都無所得妻孥飢餓其計安出如來告曰汝應蘊火當與

汝食如來是時化作大鵠投火而死羅者持歸妻孥
共食其後重往佛所如來方便攝化羅者聞法悔過
自斯捨家修學便證聖果因名所建爲鵠伽藍
迦布德迦藍南二三里至孤山甚崇峻樹林爵茂名
華清流被崖注壑上多精舍靈廟頗極剞劂之工正
中精舍有觀自在菩薩像軀量雖小威神感肅手執
蓮華頂戴佛像常有數人斷食衷心求見菩薩七日
二七日乃至一月其有感者見觀自在菩薩妙相莊
嚴威光赫奕從像中出慰喻其人昔南海僧伽羅國
王清且以鏡照面不見其身乃觀瞻部洲摩揭陀國

多羅林中小山上有此菩薩像王深感慶圖以營求
既至此山寔唯肖似因建精舍興諸供養自後諸王
尚想遺風遂於其側建立精舍靈廟香華伎樂供養
不絕

孤山觀自在菩薩像東南行四十餘里至一伽藍僧
徒五十餘人並學小乘法教伽藍前有大窣堵波多
有靈異佛昔於此爲梵天王等七日說法其側則有
過去三佛座及經行遺迹之所伽藍東北行七十餘
里苑伽河南至大聚落人民殷盛有數天祠並窳雕
飾東南不遠有大窣堵波佛昔於此一宿說法從此

東入山林中行百餘里至洛般膩羅聚落伽藍前有
 大窣堵波無憂王之所建佛昔於此三月說法此北
 二三百里有大池周三十餘里四色蓮花四時開發從
 此東入大山林中行二百餘里至伊爛拏鉢代多國
 中即 大唐西域記卷第九 摩揭 下音列反 窣堵
 度境 上音復反 汲 水音急引 彷彿 下音皇反 彌勒 上音毫下
 下音觀 反 維繫 下知立反 廢 音救養象
 大興 林藪 下音噴 澤 維繫 下知立反 廢 音救養象
 也 亦 詎 音巨 宴坐 反於見 匿迹 上尼力反 餘字 簡擢 音下
 亦 亦 詎 音巨 宴坐 反於見 匿迹 上尼力反 餘字 簡擢 音下
 濁也 激慎 也慎靜也 善詭 過委反 怡神 上余之反 暇景
 出也 上音馮反 嚶轉 反 一耕 反下知變 狸 力之反 搏食 音上
 上胡馬反 嚶轉 反 一耕 反下知變 狸 力之反 搏食 音上

擗也 兩翅 反 施智 弊 毗發 樓 必个 窠 反其主 戀峭 上音
 峯密也 下七 反 深 嗔 反 下音各 涯 音宜 山麓 山下音鹿
 險峭也 亦作峭 之 謂 谿澗 字 喬木 反 巨嬌 困岑 山上音剛 下助 營 反
 巖峻 下私 反 巖 挺 亭頂 反 岬 吾各 反 苾芻 上音步 結
 反 下楚 但 鄔波 古 反 山 陞 山下音都 鄧 反 崖徑 山上音魚 皆 反
 反 亦作 菊 鄔波 古 反 山 陞 山下音都 鄧 反 崖徑 山上音魚 皆 反
 古定 反 錫杖 擊 反 扣 也 苦候 反 擊 足 口 嚙 岬 下音吾 各 反
 如重 甌 也 嶷 嶷 山 隱 隣 二音 郁烈 上音於 六反 自 曳 瑟 上音移
 結 反 又 羊 卅 脩勁 下音君 政 反 脩 堅 也 犀 那 上音 儀 範 下音
 則也 伏膺 下音於 陵 反 爾 雅 伏 業 事 也 膺 捐 廢 奇 也 緣
 策勵 上音楚 青 反 下音 寢 食 反 卧 也 不 遑 下音皇 拘 脰

西域記

二十一

也遲上上去聲快快於向反峻峙直上私閨反
 也高立上剗剗居衛反刻木日反又淳粹遂反私夙夜上音
 也宿早詰難下去反挫銳上則卧反下羊歲反頽徒回
 也隆聯音軌俱水反幽邃反私遂也耽貪也矚戩約反
 根本下音帝銖銖之銖銖者胃玉右反迤音第更也逼上音伯反珊闌下音也拏迦迦上反鎧甲改上反有
 娠下音身也劇談反加也名擅下時窶主反杳冥上煙
 貌之也深遠蒟醬上鳥孔反一音翁岷狀及反且波古
 反鄧飛翔下音殪於計反旌音精瘞於例反壑呼各反
 赫奔上音明成之良音亦肖似相似也殍伽反河名

大唐西域記卷第十

三藏法師

玄奘奉

詔譯

十七國

伊爛拏針伐多國
 羯朱咀祇羅國
 迦摩縷波國
 耽摩栗底國
 烏荼國
 羯餒助飢伽國
 案達羅國

彈伐國瞻波國
 本那伐彈那國
 三摩咀吒國
 羯羅拏蘇伐刺那國
 恭御陀國
 憍薩羅國
 馱那羯磔迦國

珠利那國

秣羅矩吒國

達羅毗茶國

伊爛拏鉢伐多國周三十餘里國大都城北路殍伽
河周二十餘里稼穡滋植華果具繁氣序和暢風俗
淳質伽藍十餘所僧徒四千餘人多學小乘正量部
法天祠二十餘所異道雜居近有隣王廢其國君以
大都城持施衆僧於此城中建二伽藍各減千僧並
學小乘教說一切有部

大城側臨殍伽河有伊爛拏山含吐煙霞蔽虧日月
古今仙聖繼踵棲神今有天祠尚遵遺則在昔如來

亦嘗居此為諸天人廣說妙法大城南有窣堵波如
來於此三月說法其傍則有過去三佛坐及經行遺
迹之所

三佛經行西不遠有窣堵波是室縷多頻設底拘脰

唐言聞二百億舊譯曰億耳謬也 苾芻生處昔此城有長者豪貴巨

富脫有繼嗣時有報者輒賜金錢二百億因名其子
聞二百億泊乎成立未曾履地故其足跣毛長尺餘
光潤細軟色若黃金珍愛此兒備諸玩好自其居家
以至雪山亭傳連隅僮僕交路允須妙藥迺相告語
轉而以授曾不踰時其豪富如此世尊知其善根將

發也命沒特伽羅子而往化焉既至門下莫由自通
長者家祠日天每晨朝時東向以拜是時尊者以神
通力從日輪中降立於前長者子疑日天也因施香
飯而歸其飯香氣遍王舍城時頻毗娑羅王駭其異
馥命使歷問乃竹林精舍沒特伽羅子自長者家持
來因知長者子有此奇異乃使召焉長者承命思何
安步泛舟鼓棹有風波之危乘車馭象懼蹟蹶之患
於是自其居家至王舍城鑿渠通漕流滿芥子御舟
安止長組以引至王舍城先禮世尊世尊告曰頻毗
娑羅王命使召汝無過欲見足下毛耳王欲觀者宜

結跏坐伸脚向王國法當死長者子受佛誨而往引
入廷謁王欲視毛乃跏趺坐王善其有禮特深珍受
亦既得歸還至佛所如來是時說法誨喻聞而感悟
遂即出家於是精勤修習思求果證經行不捨足遂
流血世尊告曰汝善男子在家之時知鼓琴耶曰知
若然者以此為喻絃急則聲不合韻絃緩則調不和
雅非急非緩其聲乃和夫修行者亦然急則身疲怠
緩則情舒志逸承佛指教奉以周族如是不久便獲
果證

國西界苑伽河南至小孤山重巒替峯昔佛於此三

月安居降薄句羅藥叉山東南巖下大石上有佛坐
 跡入石寸餘長五尺二寸廣二尺一寸其上則建窣
 堵波焉次南石上則有佛置拈雅迦即持說略也舊曰
 跡深寸餘作八出華文佛坐跡東南不遠有薄句羅
 藥叉跡長尺五六寸廣七八寸深減二寸藥叉跡
 後有石佛坐像高六七尺次西不遠有佛經行之處
 其山頂上有藥叉故室次北有佛足跡長尺有八寸
 廣於餘六寸深可半寸其跡上有窣堵波如來昔日
 降伏藥叉令不殺人食肉敬受佛戒後得生天此西
 有溫泉六七所其水極熱國南界大山林中多諸野

象其形偉大從此順流伽河南岸東行三百餘里至

瞻波國中即度境

瞻波國周四千餘里國大都城北背流伽河周四
 餘里土地熱濕稼穡滋盛氣序濕暑風俗淳質伽藍
 數十所多有傾毀僧徒二百餘人習小乘教天祠二
 十餘所異道雜居

都城壘軌其高數丈基趾崇峻却敵高險在昔劫初
 人物伊始野居穴處未知宮室後有天女降迹人中
 遊苑伽河濯流自媚感靈有娠生四子焉分瞻部洲
 各擅區宇建都築邑封疆畫界此則一子之國都瞻

部洲諸城之始也城東百四五十里苑伽河南水環
 孤嶼崖巘崇峻上有天祠神多靈感鑿崖為室引流
 成沼華林奇樹巨石危峯仁智所居觀者忘返國南
 境山林中野象猛獸群遊千數自此東行四百餘里
 至羯朱唄祇羅國彼俗或謂羯耆耨耨
 羯朱唄祇羅國周二千餘里土地泉濕稼穡豐盛氣
 序溫風俗順敦尚高才崇貴學藝伽藍六七所僧徒
 三百餘人天祠十所異道雜居自數百年王族絕嗣
 役屬隣國所以城郭丘墟多居村邑故戒日王遊東
 印度於此築宮理諸國務至則葺第為宇去則縱火

焚燒國南境多野象北境去苑伽河不遠有大高臺
 壘甃石而以建焉基趾廣峙刻彫奇製周其方面鑄
 衆聖像佛及天形區別而作自此東渡苑伽河行六
 百餘里至奔那伐彈那國中印度境
 奔那伐彈那國周四千餘里國大都城周三十餘里
 居人殷盛池館華林往往相間土地卑濕稼穡滋茂
 般揀娑菓既多且貴其菓大如冬瓜熟則黃赤剖之
 中有數十小菓大如鵝卵又更破之其汁黃赤其味
 甘美或在樹枝如衆菓之結實或在樹根若伏苓之
 在土氣序調暢風俗好學伽藍二十餘所僧徒三千

餘人大小二乘兼功綜習天祠百所異道雜居露形
尼乾寔繁其黨

城西二十餘里有跋始婆僧伽藍庭宇顯敞臺閣崇
高僧徒七百餘人並學大乘教法東印度境碩學名
僧多在於此其側不遠有翠堵波無憂王之所建也
昔者如來三月在此為諸天人說法之處或至齋日
時燭光明其側則有四佛坐及經行遺跡之所去此
不遠復有精舍中作觀自在菩薩像神監無隱靈應
有徵遠近之人絕粒祈請自此東行九百餘里渡大
河至迦摩縷波國東印度境

迦摩縷波國周萬餘里國大都城周三十餘里土地
泉濕稼穡時播般攘娑菓那羅雜羅菓其樹雖多弥
復珍貴河流湖陂交帶城邑氣序和暢風俗淳質人
形卑小容貌黧黑語言少異中印度性甚獷暴志存
強學宗事天神不信佛法故自佛興以迄于今尚未
建立伽藍招集僧侶其有淨信之徒但竊念而已不
祠數百異道數萬

今王本那羅延天之祚胤婆羅門之種也字婆塞羯
羅伐摩唐言号拘摩羅唐言自據壇土奔葉君臨逮
於今王歷千世矣君上好學衆庶從化遠方高才慕

義客遊雖不淳信佛法然敬高學沙門初聞有至那
國沙門在摩揭陀那爛陀僧伽藍自遠方來學佛深
法殷勤往復者再三未從來命時尸羅跋陀羅論師
曰欲報佛恩當弘正法子其行矣勿憚遠涉拘摩羅
王世宗外道今請沙門斯善事也因茲改轍福利弘
遠子昔起大心發弘誓願孤遊異域遺身求法普濟
含靈豈徒鄉國宜忘得喪勿拘榮辱宜揚聖教開導
群迷先物後身忘名弘法於是辭不獲免遂與使偕
行而會見焉拘摩羅王曰雖則不才常慕高學聞各
雅尚敢事延請曰寡能禰智猥蒙流聽拘摩羅王曰

善哉慕法好學願身若浮踰越重險遠遊異域斯則
王化所由國風尚學今印度諸國多有歌頌摩訶至
那國

秦王破陣樂者聞之又矣豈大德之鄉國耶曰然此
歌者羨我君之德也拘摩羅王曰不意大德是此國
人常慕風化東望已久山川道阻無由自致曰我大
唐聖德遠洽仁化遐被殊俗異域拜闕稱巨者衆矣
拘摩羅王曰覆載若斯心真朝貢今戒日王在羯朱
盟祇羅國將設大施崇樹福慧五印度沙門婆羅門
有學業者莫不召集今遣使來請願與同行於是遂

往焉此國東山阜連接無大國都境接西南夷故其
人類瘳瘳矣詳問土俗可兩月行入蜀西南之境然
山川險阻障氣氛疹毒蛇毒草為害滋甚國之東南
野象群暴故此國中象軍特盛從此南行千二三百
里至三摩咀吒國東即三摩咀吒國周三千餘里濱
近大海地遂卑濕國大都城周二十餘里稼穡滋植
華果繁茂氣摩和風俗順人性剛烈形卑色黑好學
勤勵邪正兼信伽藍三十餘所僧徒二千餘人並皆
遵習上座部學天祠百所異道雜居露形尼乾其徒
特盛去城不遠有窳堵波無憂王之所建也昔者如

來為諸天人於此七日說深妙法傍有四佛座及經
行遺迹之所去此不遠伽藍中有青玉佛像其高八
尺相好圓備靈應時劫從此東北大海濱山谷中有
室利差咀羅國次東南大海隅有迦摩浪迦國次東
有墮羅鉢底國次東有伊賞那補羅國次東有摩訶
瞻波國即此云林邑是也次西南有閻摩那洲國九
此六國山川道阻不入其境然風俗壤泉聲問可知
自三摩咀吒國西行九百餘里至耽摩栗底國東即
耽摩栗底國周千四五百里國大都城周十餘里濱
近海陸土地卑濕稼穡時播華果茂盛氣序溫暑風

俗躁烈人性剛勇邪正兼信伽藍十餘所僧眾千餘人天祠五十餘所異道雜居國濱海隄水陸交會奇珍異寶多聚此國故其國人大拓殷富城側宰堵波無憂王所建也其傍則有過去四佛坐及經行遺迹之所自此西北行七百餘里至羯羅拏蘇伐刺那國

東時度境

羯羅拏蘇伐刺那國周四千四五百里國大都城周二十餘里居人殷盛家室富饒土地卑濕稼穡時播眾華滋茂弥異繁植氣序調暢風俗和好尚學藝邪正兼信伽藍十餘所僧徒二千餘人習學小乘正量

部法天祠五十餘所異道寔多別有三伽藍不食乳酪遵提婆達多遺訓也

大城側有絡多未知僧伽藍唐言赤地庭宇顯敞臺閣崇峻國中高戈達學聽敏有聞者咸集其中警誡相成

琢磨道德初此國未信佛法時南印度有一外道腹

銅銅鏃首戴明炬杖策高步來入此城振繫論鼓求

欲談議或者問曰首腹何異曰吾學藝多能恐腹折

裂悲諸愚闇所以持照時經旬日入無問者詢訪髦

彦莫有是人王曰合境之內豈無明哲容難不酬為

國深耻宜更營求訪諸幽隱或曰大林中有異人其

自稱曰沙門強學是務今屏居幽寂久矣于茲非夫
體法合德何能若此者乎王聞之已躬往請焉沙門
對曰我南印度人也客遊止此學業庸淺恐黜所聞
敢承來旨不復固辭論議無負請建伽藍招集僧徒
光讚佛法王曰敬聞不敢忘德沙門受請往赴論場
外道於是誦其宗致三萬餘言其義遠其文約苞含
各相網羅視聽沙門一聞究覽辭義無謬以數百言
辨而釋之因問宗致外道窮理屈杜口不酬既折
其名負耻而退王深敬德建此伽藍自時厥後方弘
法教伽藍側不遠有窣堵波無憂王所建也在昔如

來於此七日說法開導其側精舍過去四佛坐及經
行遺迹之所有數窣堵波並是如來說經法之處無
憂王之所建也從此西南行七百餘里至烏荼國東
境度

烏荼國周七千餘里國大都城周二十餘里土地膏
腴穀稼茂盛允諸果實頗大諸國異草名華難以稱
述氣序溫暑風俗獷烈人貌魁梧客色翬黠言辭風
調異中印度好學不倦多信佛法伽藍百餘所僧徒
萬餘人並皆習學大乘法教天祠五十所異道雜居
諸窣堵波九十餘所並是如來說法之處無憂王之

所建也

國西南境大山中有補澀波祇鷲僧伽藍其石窣堵波極多靈異或至齋日時燭光明故諸淨信遠近咸會持妙華蓋競修供養承露槃下覆鉢勢上以華蓋等置之便住若磁石之吸針也此西北山伽藍中有窣堵波所異同前此二窣堵波者神鬼所建也靈竒若斯

國東南境臨大海濱有折利咀羅城唐言周二十餘里入海商人遠方旅客往來中止之路也其城堅峻多諸竒寶城外鱗次有五伽藍臺閣崇高尊像工麗

南去僧伽羅國二萬餘里靜夜遙望見彼國佛牙窣

堵波上寶珠光明離離然如明炬之懸燭也自此西

南大林中行千二百餘里至恭御陀國東境

恭御陀國周千餘里國大都城周二十餘里濱近海

隅山阜隱軫土地熱濕稼穡時播氣序溫暑風俗勇

烈其形偉其貌黑粗有禮義不甚欺詐至於文字同

中印度語言風調頗有異焉崇敬外道不信佛法天

祠百餘所異道萬餘人國境之內數十小城接山嶺

據海交城既堅峻兵又敢勇威雄隣境逐無強敵國

臨海濱多有竒寶螺貝珠璣斯為貨用出大青象超

乘致遠從此西南入大荒野深林巨木千霄蔽日行
 千四五百里至羯陵反力既伽國南即
 羯陵伽國周五千餘里國大都城周二十餘里稼穡
 時播華果具繁林藪聯綿動數百里出青野象隣國
 所奇氣序暑熱風俗躁異性多狷獷志存信義語言
 輕捷音調質正辭旨風則頗與中印度異焉少信正
 法多遵外道伽藍十餘所僧徒五百餘人習學大乘
 上座部法天祠百餘所異道甚眾多是尼乾之徒也
 羯陵伽國在昔之時氓俗殷盛肩摩轂擊舉袂成帷
 有五通仙棲巖養素人或凌觸退失神通以惡咒術

殘害國人少長無遺賢愚俱喪人煙斷絕多歷年所
 頗漸遷居猶未克實故今此國人口尚少
 城南不遠有窳堵波高百餘尺無憂王之所建也傍
 有過去四佛坐及經行遺迹之所國境北乘大
 山嶺上有石窳堵波高百餘尺是劫初時人壽無
 量歲有獨覺於此入寂滅焉自此西北山林中行千
 八百餘里至憍薩羅國中印
 憍薩羅國周六千餘里山嶺周境林藪連接國大都
 城周四十餘里土壤膏腴地利滋盛邑里相望人戶
 殷實其形偉其色黑風俗剛猛人性勇烈邪正兼信

學藝高明王刹帝利也崇敬佛法仁慈深遠伽藍百餘所僧徒減萬人並皆習學大乘法教天祠七十餘所異道雜居城南不遠有故伽藍傍有窣堵波無愛王之所建也昔者如來曾於此處現大神通摧伏外道後龍猛菩薩止此伽藍時此國王号娑多訶唐正珍敬龍猛周衛門廬時提婆菩薩自執師子國來求論議謂門者曰幸為通謁時門者遂為入白焉龍猛雅知其名盛滿鉢水命弟子曰汝持是水示彼提婆提婆見水默而投針弟子持鉢懷疑而返龍猛曰彼何辭乎對曰默無所說但投針於水而已

龍猛曰智矣哉若人也知幾其神察微亞聖盛德若此宜速命人對曰何謂也無言妙辨斯之是歟曰夫水也者隨器方圓逐物清濁弥漫無間澄湛莫測滿而示之比我學之智周也彼乃投針遂窮其極此非常人宜速召進而龍猛風範懍然肅物言談者皆伏抑首提婆素挹風徽久希請益方欲受業先騁機神雅懼威嚴昇堂僻坐談玄求日辭義清高龍猛曰後學冠世妙辨光前我惟衰老遇斯俊彦誠乃寫瓶有寄傳燈不絕法教弘揚伊人是賴幸能前席雅談玄奧提婆聞命心獨自負將開義府先遊辨國提振辭

端仰視質義忽覩威顏忘言杜口避生引責遂請受業龍猛曰復坐今將授子至真妙理法王誠教提婆五體投地一心歸命曰而今而後敢聞命矣龍猛菩薩善閑藥術餐餽養生壽年數百志貌不衰引正王既得妙藥壽亦數百王有稚子謂其母曰如我何時得嗣王位母曰以今觀之未有期也父王年壽已數百歲子孫老終者蓋亦多矣斯皆龍猛福力所加藥術所致菩薩寂滅王必徂落夫龍猛菩薩智慧弘遠慈悲深厚周給群有身命若遺汝宜往彼試從乞頭若遂此志當果所願王子恭承母命來至伽藍門者

驚懼故得入焉時龍猛菩薩方讚誦經行忽見王子忙然謂曰今夕何夕降趾僧坊若危苦懼疾驅來至對曰我承慈母餘論語及行捨之士以為含生寶命經誥格言未有輕捨報身施諸求欲我慈母曰不然十方善逝三世如來在昔發心逮乎證果勤求佛道修習戒忍或投身針獸或割肌救鵠月光王施婆羅門頭慈力王飲餓藥又血諸若此類尤難備舉求之先覺何代無人今龍猛菩薩篤斯高志我有所求人頭為用招募累歲未之有捨欲行暴劫殺則罪累尤多虐害無辜穢德彰顯惟菩薩脩習聖道遠斯佛果

慈^ノ露^ニ有^リ識^ヲ慧^ヲ及^テ無^ク邊^ニ輕^ク生^シ若^シ浮^ク賤^ク身^ヲ如^シ朽^ク不^レ違^フ本^ノ願^ヲ
 垂^テ允^ズ所^レ求^フ龍^ノ猛^ノ曰^ク俞^ニ誠^ニ哉^ト是^レ言^ハ也^ト我^レ求^フ佛^ノ聖^ノ果^ヲ我^レ學^ス
 佛^ノ能^ク捨^テ是^ノ身^ヲ如^シ響^キ是^ノ身^ヲ如^シ泡^ノ流^ノ轉^ス四^ノ生^ヲ往^テ來^ス六^ノ趣^ニ宿^ス
 契^テ弘^ク誓^フ不^レ違^フ物^ヲ欲^ハ然^モ王^ノ子^ノ有^リ一^ノ不^レ可^ク者^ヲ其^レ將^ハ若^シ何^カ我^レ
 身^ノ既^ニ終^ス汝^ノ父^ノ亦^ニ喪^フ顧^テ斯^レ為^シ意^ト誰^カ能^ク濟^ス之^ヲ龍^ノ猛^ノ俳^テ徊^シ顧^シ
 視^テ求^フ所^レ絕^シ命^ヲ以^テ乾^ク茅^ヲ葉^ヲ自^ラ刎^リ其^ノ頸^ヲ若^シ利^ク劍^ノ斷^テ害^ハ身^ヲ首^ヲ
 異^ニ處^ニ王^ノ子^ノ見^テ已^ニ驚^キ奔^リ而^テ去^リ門^ノ者^ノ上^ニ白^ク具^ニ陳^シ始^ニ末^ヲ王^ノ聞^ク
 哀^ク感^ス果^ス亦^ニ命^ヲ終^ス國^ノ西^ノ南^ニ三^ノ百^ノ餘^ノ里^ニ至^リ跋^ラ羅^ノ末^ノ羅^ノ者^ノ釐^リ
 山^ニ唐^ノ言^ニ峽^ノ然^ト特^ニ起^リ峯^ノ巖^ノ峭^ノ險^ニ既^ニ無^ク崖^ノ谷^ノ宛^ニ如^シ全^ク石^ノ引^ク
 正^ニ王^ノ為^シ龍^ノ猛^ノ菩^ノ薩^ノ鑿^テ此^ノ山^ノ中^ニ建^テ立^シ伽^ノ藍^ヲ去^リ山^ノ十^ノ數^ノ里^ニ

鑿^テ開^キ孔^ノ道^ヲ當^リ其^ノ山^ノ下^ニ仰^テ鑿^シ疏^ヲ石^ヲ其^ノ中^ニ則^テ長^ク廊^ヲ步^ヲ擔^テ崇^ニ
 臺^ノ重^ク閣^ノ閣^ノ有^リ五^ノ層^ノ曾^ニ有^リ四^ノ院^ノ並^ニ建^シ精^ノ舍^ヲ各^ノ鑄^シ金^ノ像^ヲ量^ノ
 等^ク佛^ノ身^ノ妙^ク窮^ク工^ノ思^ヲ自^ラ餘^ヲ莊^ニ嚴^ニ唯^ニ飾^シ金^ノ寶^ヲ從^テ山^ノ高^ク峯^ノ臨^シ
 注^シ飛^ク泉^ヲ周^ニ流^ス重^ク閣^ノ交^ニ帶^ス廊^ノ廡^ノ疎^ク寮^ノ外^ニ穴^ノ明^ク燭^ノ中^ニ宇^ノ初^ニ
 引^ク引^ク正^ニ王^ノ建^シ此^ノ伽^ノ藍^ヲ也^ト人^ノ力^ノ疲^ク竭^ク府^ノ庫^ノ空^ク虛^ク功^ノ猶^モ未^ク
 半^ク心^ノ甚^ク憂^ク感^ス龍^ノ猛^ノ謂^ク曰^ク大^ノ王^ノ何^レ故^ニ若^シ有^リ憂^ハ負^フ王^ノ曰^ク輒^ニ
 運^シ大^ノ心^ヲ敢^テ樹^シ勝^ノ福^ヲ期^ス之^ヲ永^ク固^ク待^テ至^リ慈^ノ氏^ノ功^ノ績^ノ未^ク成^シ財^ヲ
 用^ノ已^ニ竭^ス每^レ懷^キ此^ノ恨^ヲ坐^シ而^テ待^ツ且^ニ龍^ノ猛^ノ曰^ク勿^レ憂^フ崇^ニ福^ノ勝^ノ善^ノ
 其^ノ利^ノ不^レ窮^ク有^リ興^ヲ弘^ク願^ヲ無^レ憂^フ不^レ濟^ス今^ノ日^ニ還^テ宮^ニ當^リ極^ク歡^ク樂^ス
 後^ニ晨^ニ出^テ遊^シ歷^シ覽^シ山^ノ野^ヲ已^ニ而^テ至^リ此^ノ平^ノ議^ノ營^ノ建^シ王^ノ既^ニ受^テ誨^ス

奉以周旋龍猛菩薩以神妙藥滴諸大石並反為金
 王遊見金身口相賀迴駕至龍猛所曰今日畋遊神
 鬼所惑山林之中時見金聚龍猛曰非鬼惑也至城
 所感故有此金宜時取用濟成勝業遂以營建功畢
 有餘於是五層之中各鑄四大金像餘尚盈積充諸
 帑藏招集千僧居中禮誦龍猛菩薩以釋迦佛所宣
 教法及諸菩薩所演述論鳩集部別藏在其中故上
 第一層唯置佛像及諸經論下第五層居住淨人資
 產什物中間三層僧徒諸舍聞諸先志曰引王營建
 已畢計工人所食鹽價用九拘胝唐言億金錢其後

僧徒忿諍就王平議時諸淨人更相謂曰僧徒諍起
 言議相乖凶人伺隙毀壞伽藍於是重閣及拒以擯
 僧徒自爾已來無復僧衆遠矚山巖莫知門徑時引
 善醫方者入中療疾蒙面入出不識其路從此大林
 中南行九百餘里至案達羅國南印
 案達羅國周三千餘里國大都城周二十餘里号瓶
 耆羅土地良沃稼穡豐盛氣序温暑風俗猛暴語言
 辭調異中印度至於文字軌則大同伽藍二十餘所
 僧徒三千餘人天祠三十餘所異道寔多瓶耆羅城
 側不遠有大伽藍重閣層臺剎窮剎刷佛像聖容麗

極工思伽藍前有石窣堵波高數百尺並阿折羅唐言所阿羅漢之所建也所行羅漢伽藍西南不遠有窣堵波無憂王之所建也如來在昔於此說法現大神通度無量衆

所行羅漢伽藍西南行二十餘里至孤山山嶺有石窣堵波陳那唐言菩薩於此作因明論陳那菩薩者佛去世後承風染衣智願廣大慧力深固愍世無依思弘聖教以為因明之論言深理廣學者虛功難以成業乃匿迹幽巖棲神寂定觀述作之利害審文義之繁約是時崖谷震響煙雲及采山神捧菩薩高數

百尺唱如是言昔佛世尊善權導物以慈悲心說因明論綜括妙理深究微言如來寂滅大義泯絕今者陳那菩薩福智悠遠深達聖旨因明之論重弘茲日菩薩乃放大光明照燭幽昧時此國王深生尊敬見此光明相疑入金剛定因請菩薩證無生果陳那曰吾入定觀察欲釋深經心期正覺非願無生果也王曰無生之果衆聖攸仰斷三界欲洞三明智斯盛事也願疾證之陳那是時心悅王請方欲證受無學聖果時妙吉祥菩薩知而惜焉欲相警誡乃彈指悟之而告曰惜哉如何捨廣大心為狹劣志從獨善之懷

棄兼濟之願欲為善利當廣傳說慈氏菩薩所製瑜伽師地論導誘後學為利甚大陳那菩薩敬受指誨奉以周旋於是覃思沉研廣因明論猶恐學者懼其文微辭約也乃舉其大義綜其微言作因明論以導後進自茲已後宣暢瑜伽盛業門人有知當世從此林野中南行千餘里至馱那羯磔迦國亦謂大安達境

馱那羯磔迦國周六千餘里國大都城周四十餘里土地膏腴稼穡殷盛荒野多邑居少氣序溫暑人貌黧黑性猛烈好學藝伽藍鱗次荒蕪已甚存者二十

餘所僧徒千餘人並多習學大衆部法天祠百餘所異道寔多

城東馱山有弗波勢羅唐言僧伽藍城西據山有阿

伐羅勢羅唐言僧伽藍此國先王為佛建焉其川通

徑疏崖峙閣長廊步簷枕巖接岫靈神警衛聖賢遊

息自佛寂滅千年之內每歲有千九夫僧同入安居

罷安居日皆證羅漢以神通力凌虛而去千年之後

允聖同居自百餘年無復僧侶而山神易形或作狻

狼或為獾狁驚恐行人以故空荒間無僧衆城南不

遠有大山巖婆毗吠伽唐言論師住阿素洛宮待見

慈氏菩薩成佛之處論師雅量弘遠至德深遠外示
僧法之服內弘龍猛之學聞摩揭陀國護法菩薩宜
揚法教學徒數千有懷談議杖錫而往至波吒釐城
知護法菩薩在菩提樹論師乃命門人曰汝行詣菩
提樹護法菩薩所如我辭曰菩薩宜揚遺教導誘迷
徒仰德虚心爲日已久然以宿願未果遂乖禮謁菩
提樹者誓不空見見當有證稱天人師護法菩薩謂
其使曰人世如幻身命若浮渴日勤誠未遑談議人
信往復意不會見論師既還本土靜而思曰非慈氏
成佛誰決我疑於觀自在菩薩像前誦隨心陀羅尼

絕粒飲水特歷三歲觀自在菩薩乃現妙色身謂論
師曰何所志乎對曰願留此身待見慈氏觀自在菩
薩曰人命危脆世間浮幻宜修勝善願生觀史多天
於斯禮觀尚速得見論師曰志不可集心不可裁菩
薩曰若然者宜往馱那羯磔迦國城南山巖執金剛
神所至誠誦持執金剛陀羅尼者當遂此願論師於
是往而誦焉三歲之後神乃謂曰伊何所願若此勤
勵論師曰願留此身待見慈氏觀自在菩薩指遣來
請成我願者其在神乎乃授秘方而謂之曰此巖石
內有阿素洛宮如法行請而壁當開開即入中可以

待見論師日幽居無親詎知佛興執金剛日慈氏出世我當相報論師受命專精誦持復歷三歲初無異相咒芥子以擊石巖壁豁而洞開是時百千萬眾觀覩忘致論師跨其戶而告眾日吾以祈請待見慈氏聖靈警祐大願斯遂宜可入此同見佛興聞者怖駭莫敢復戶謂是毒蛇之窟恐喪身命再三告語唯有六人從入論師顧謝時眾從容而入入之既已石壁還合眾皆怨嗟恨前言之過也自此西南行千餘里至珠利耶國南中印度境口臨海北有山巖自西至珠利耶國周二千四五百里國大都城周十餘里土

野空曠藪决荒蕪居戶寡少群盜公行氣序温暑風俗姦兇人性獷烈崇信外道伽藍頽毀粗有僧徒天祠數十所多露形外道也

城東南不遠有窣堵波無憂王之所建也如來在昔嘗於此處現大神通說深妙法摧伏外道度諸天人城西不遠有故伽藍提婆菩薩與羅漢論議之處初提婆菩薩聞此伽藍有唄咀羅唐言阿羅漢得六神通具八解脫遂來遠尋觀其風範既至伽藍投羅漢宿羅漢少欲知足唯置一牀提婆既至無以為席乃聚落葉指令就座羅漢入定夜分方出提婆於是陳

疑請決羅漢隨難為釋提婆尋聲重質第七轉已杜
 口不酬竊運神通力往觀史多天請問慈氏慈氏為
 釋因而告曰彼提婆者曠劫修行賢劫之中當紹佛
 位非爾所知宜深禮敬如彈指頃還復本座乃復抑
 揚妙義剖折微言提婆謂曰此慈氏菩薩聖智之釋
 也豈仁者所能詳究哉羅漢曰然誠如來肯於是避
 席禮謝深加敬嘆從此南入林野中行千五百六里
 至達羅毗荼國南印
度境
 達羅毗荼國周六十餘里國大都城号建志補羅周
 三十餘里土地沃壤稼穡豐盛多華果出寶物氣序

温暑風俗勇烈深篤信義高尚傳識而語言文字少
 異中印度伽藍百餘所僧徒萬餘人並皆導學上座
 部法天祠八十餘所多露形外道也如來在世數遊
 此國說法度人故無憂王於諸聖迹皆建窣堵波建
 志補羅城者即達磨波羅唐言
護法菩薩本生之城菩薩
 此國大臣之長子也幼懷雅量長而弘遠年方弱冠
 王姬下降禮筵之夕憂心慘悽對佛像前殷勤祈請
 至誠所感袖負遠遁去此數百里至山伽藍坐佛堂
 中有僧開戶見此少年疑其盜也更詰問之菩薩具
 懷指告因請出家衆咸驚異遂允其志王乃宣命推

求遐迹乃知菩薩神負遠塵王之知也增深驚異自
染衣已篤學精勤令問風範語在前記

城南不遠有大伽藍國中聰叡同類萃止有窣堵波
高百餘尺無憂王所建也如來在昔於此說法摧伏
外道廣度人天其側則有過去四佛坐及經行遺迹
之所自此南行三千餘里至秣羅矩吒國亦謂秣羅
國南印度

秣羅矩吒國周五千餘里國大都城周四十餘里土
田瀉鹵地利不滋海渚諸珍多聚此國氣序炎熱人
多黧黑志性剛烈邪正兼崇不尚遊藝唯善逐利伽

藍故基寔多餘趾存者既少僧徒亦寡天天祠數百
外道甚衆多露形之徒也城東不遠有故伽藍庭宇
荒蕪基趾尚在無憂王弟大帝之所建也其東有窣
堵波崇基已陷覆鉢猶存無憂王之所建立在昔如
來於此現大神通度無量衆用彰聖迹故此標建歲
久弥神所願或遂

國南濱海有秣刺耶山名年崇崖峻嶺洞谷深澗其中則
有白檀香樹旃檀伽婆樹類白檀不可以別唯於盛
夏登高遠矚其有大蛇縈若於是知之猶其木性涼
冷故蛇盤也既望見已射箭為記冬蟄之後方乃採

伐羯布羅香樹松身異葉華果斯別初採既濕尚未
有香木乾之後修理而析其中有香狀若雲母色如
冰雪此所謂龍腦香也

秣刺耶山東有布咀洛迦山山徑危險巖谷敝傾山
頂有池其水澄鏡派出大河周流繞山二十匝入南
海池側有石天宮觀自在菩薩往來遊舍其有願見
菩薩者不顧身命厲水登山忘其艱險能達之者蓋
亦寡矣而山下居人祈心請見或作自在天形或為
塗灰外道慰喻其人果遂其願從此山東北海畔有
城是往南海僧伽羅國路聞諸土俗曰從此入海東

南可三千餘里至僧伽羅國唐言執師子非印度之境

大唐西域記卷第十

盟烏沒咀吒上下丁割反刺那上即反羯餒上下居證反馱
反君賀磔反作厄秣音矩反俱羽稼穡二音色蔽掩也發反繼踵
下之勇反泊乎反上其器足跖下音隻玩好上貫反馭
音御蹟失足倒也音漕水運也緝占橙反緩反慢也反
巘反魚便替岑上昨吟山小反而高也裙稚上君運反別云
君遲此偉大上羽鬼反墊濕上音店却敞下徒的反上
云淨瓶異也反也墊濕下音店却敞下徒的反上
也土壘濯流上音濁洗媚反眉二有娠下音壇界上音嶼
也土壘濯流上音濁洗媚反眉二有娠下音壇界上音嶼
嚙上音序下語儂反沼池之小反葶第上七入反修葺

下于救反似 猴蒼黑也 聞傾免反 危脆不堅也 豁而 部

析擊下先反 王姬下居之反 慘悽上七也 遁徒一也 駉

叡明下羊歲反 积秣上居尺反 烏鹵昔魯二音 冬蟄下

歲立反虫 啟傾上去奇反 流分流也

[Faint bleed-through text from the reverse side of the page]



